



Concilia Provincialia Mediolanensis Sex

Borromeo, Carlo

Venetiis, 1602

Constitutio S. D. N. Pij Papæ Quinti per Dominos Medicos obseruanda.

[urn:nbn:de:hbz:466:1-62072](#)

785

Si quis autem hoc attentare præsumperit, indignationem Omnipotens Dei, ac beatorum Petri, & Pauli Apostolorum eius, se nouerit incursum. Dat. Romæ apud Sanctum Petrum, Anno Incarnationis Dominicæ, Millesimo Quingentesimo Sexagesimo Quarto, Idibus Nouembris. Pontificatus Nostri Anno Quinto.

Cæ. Glorierius.

Constitutio S. D. N. Pij Papæ Quinti per Dominos Medicos obseruanda.

P IV S Papa V. ad perpetuam rei memoriam.

Supra Gregem Dominicum nostræ vigiliae diuinitus creditū, vigilis speculatoris, prout nobis desuper conceditur, exercentes officium, ad ea per quæ Anni marum saluti cum diuini nominis gloria consuli valeat, libenter intendimus, ut Christi fideles post Baptismum in peccata lapsi, per sacramentum pœnitentiae Deo reconcilientur. Sane cùm infirmitas corporalis nonnquam ex peccato proueniat, dicente domino, languido quem sanauerat: vade noli amplius peccare, ne quid deterius tibi contingat, ac propterea prouida fel. recor. Innocentius III. predecessor noster Medicis præceperit, ut cùm eos ad ægrotos vocari contigerit, ipsos ante omnia moneant, ut animarum Medicos vocent, ne cum eis in extrema ægritudine constitutis suadetur, in desperatione articulum incident. Nos igitur volentes hoc tam salutare præceptum nulla temporis præscriptione aboleri, sed semper obseruari, constitutionem præfatam auctoritate Apostolica tenore præsentium innowamus, & hac nostra in perpetuum valitura constitutione statuimus, & decernimus, quod omnes Medici cùm ad infirmos in lecto iacentes vocati fuerint, ipsos ante omnia moneant, ut idoneo confessori omnia peccata sua, iuxta ritum S. R. E. confiteatur, neque tertio die ulterius eos visitent, nisi longius tempus infirmo confessori ob aliquam rationabilem causam, super quo eius conscientiam oneramus, concederit, & eis per fidem confessoris in scriptis factam constiterit, quod infirmi, ut præmittitur, peccata sua confessi fuerint: coniunctos verò, ac omnes familiares, & domesticos infirmi in Domino rogamus, & monemus, ut de infirmitate parochum certiore faciant, tam parochus, quam coniuncti, & familiares præfati, infirmum ad confessionem peccato-

Ggg 2 rum

rum suadeant, & inducant. Quod si qui Medicorum præmissa non obseruauerint, ultra pœnas in dicta constitutione contentas, quas incurere declaramus, perpetuò sint infames, & gradu medicinæ, quo insigniterant, omnino priuentur, & à Collegio seu vniuersitate Medicorum ejiciantur, ac pœna etiam pecuniaria arbitrio Ordinarij, ubi deliquerint, mulctentur. Et ut hæc omnia inuiolabiliter obseruentur, volumus, & eadem auctoritate præcipimus, & mandamus, ut nullus post hac ubique locorum in Medicina Doctoretur, aut ei quomodo libet medendi facultas à quouis Collegio, & vniuersitate concedatur, nisi omnia in præsenti nostra constitutione contenta, medio eorum iuramento coram Notario publico, & Testibus obseruare in eorum manibus, vel Ordinarij iurauerint, & huiusmodi iuramento in priuilegio, seu licentia medendi specialis mentio fiat. Quod si collegia, & vniuersitates præfate non recepto à promouendis iuramento huiusmodi, eosdem ad gradum prædictum promouerint, aut eisdem medendi licentiam prætiterint, pœnam priuationis facultatis alios ultius doctorandi incurant. Mandantes in virtute sanctæ obedientie omnibus, & singulis venerabilibus Fratribus, Patriarchis, Primatebus, Archiepiscopis, & Episcopis, quatentis in Ciuitatibus, & diœcesibus proprijs præsentes nostras literas publicari faciant, ac iuramentum prædictum à Medicis iam promotis, seu licentiam medendi habentibus, omnibus iuris remedijs exigant, neque aliquos ad medendum in Ciuitatibus, & diœcesibus prædictis admittant, nisi eis constituerint eosdem iuramentum huiusmodi præstitisse, & contumacce, & iurare, ac iuramentum huiusmodi iam præstitum exhibere recusantes, gradu Medicinæ, & omnibus priuilegijs eisdem Medicis, tam coniunctim, quam diuisim, eis, & eorum culibet concessis, per quouslibet etiam Romanos Pontifices priuent, ac ab ingressu Ecclesiae arceant, donec respuerint, non obstantibus præmissis Priuilegijs, indultis, literis Apostolicis, quibus suis personis, collegio, & vniuersitati, sub quibus suis verborum formis, & tenoribus. Quæ omnia, quæ ad effectum validitatis constitutionis nostræ tantum reuocamus, callamus, & annullamus, & omnes Principes seculares, ac alios Dominos, & Magistratus temporales rogamus, requirimus, & obsecramus per viscera misericordie Iesu Christi eisdem in remissionem peccatorum nihilominus inimicentes, quod in præmissis omnibus eisdem Patriarchis, Primatebus, Archiepiscopis, & Episcopis assistant, & suum fauorem, & auxilium præstent, ac contrafacentes pœnis etiam temporalibus afficiant. Volumus autem quod præsentes literæ in Cancellaria, & acie Campi Flore publicentur, & inter constitutiones Extrahagantes perpetuò valutas consenserint; & quia difficile foret præsentes ad singula quæque loca defer-

ri: Volumus, & etiam declaramus, quod earum transumptis etiam
impressis manu alicuius Notarii subscriptis, ac sigillo alicuius Prelati
munitis, eadem prorsus fides vbiunque adhibetur, que presentibus
adhiberetur, si forent exhibiti. vel ostens. Dat. Romae Apud San-
ctum Petrum sub Annulo Piscatoris Die vlti. Martij M. D. L X VI,
Pontificatus Nostris Anno Primo.

Cæ. Glorierius.

Litteræ confirmatoriæ Decretorum Concilij Primi Pro-
uincialis Mediol. circa clausuram Mo-
nialium & alia.

P I V S. P A P A V.

Bilecto filio nostro, CAROLO, tit. sancte Praxedis Presbytero
Cardinali Borromæo nuncupato.

 I L E C T E Fili noster, Salutem & Apostolicam be-
nedictionem. Dudum à fœl. re. P I O PP. IIII.
prædecessore nostro emanarunt litteræ in forma
Brevis tenoris subsequentis, a tergo uidelicet, Dilec-
to filio nostro C A R O L O , tit. Sanctæ Praxedis
Presbytero Cardinali Borromæo uocato, in tota
Italia, nostro, & Apostolice Sedis de Latere Lega-
to. Intus vero, P I V S Papa Quartus. Dilecte fili noster salutem &
Apostolicam benedictionem. Iuxta nostri Pastoralis officij debitum,
indefessa sollicitudine ad ea libenter intendimus, per quæ in singulis,
præfertim monialiū, monasterijs, regularis obseruantia, ac debita elau-
sura non modo conseruatur, sed, si in eorum aliquibus forsan dilapsa,
aut dissoluta reperiatur, adhibitis opportunis remedij, diligenter re-
sarcitur, atque restituitur, ita ut ipsarum monialium felici statu, ac di-
rectioni, prosperoque & laudabili regimini salubriter prouideatur.
Ut igitur ea, quæ à sacris Canonibus, & nouissimè à sacro Concilio Tri-
dentino sancta sunt, ac reformationem, & clausuram monasteriorum
monialium huiusmodi respiciunt, in tuis Civitate & diœcesi ac prouin-
cia Mediolanensi debitæ executioni demandentur: Monialesque ip-
sæ ad Regulam, quam professæ sunt, præscriptam vitam instituant, &
componant, ordinumque suorū vota, ac præcepta fideliter obseruent:

G g g Tibi